

Յ. Յ. ԴԱՇՆԱԿՑՈՒԹՅԱՆ ԳՈՐԾՈՒՆԵՌՈՒԹՅՈՒՆՆ ՕՍՄԱՆՅԱՆ ԽՈՐՀՐԴԱՐԱՆՈՒՄ ԵՎ ԴՐԱ ԱՐԴՅՈՒՆԱԿԵՏՈՒԹՅԱՆ ՀԱՐՑԸ

Յ.Յ. Դաշնակցություն կուսակցության օսմանյան խորհրդարանում ունեցած գործունեության վերլուծությունը մենք կարևոր ենք համարում այն տեսանկյունից, թե որքանով էր դա նպաստում արևմտահայության սոցիալ-տնտեսական կացության բարելավմանը: Փաստերը վկայում են, որ այս առումով հաջողությունները շոշափելի չէին: Դաշնակցության ջանքերը ոչ մի արդյունքի չէին հանգեցնում, շարունակվում էր հայ տարրի տկարացման քաղաքականությունը, նույնն էին մնացել բրդերը:

Փորձենք ապացուցել այս ամենը փաստերով: ՀՀԴ խորհրդարանական գործունեության վերաբերյալ հազվագյուտ են Կոմսի (Վ. Փափազյան) հաղորդած տեղեկությունները: Օսմանյան խորհրդարանի առաջին նստաշրջանը բացվում է 1908թ. դեկտեմբերին: Ինչպիսի պատկեր էր այն իրենից ներկայացնում: Հետաքրքիր են Կոմսի հետևյալ տողերը. «Երեսփոխանական հապճեպ ընտրություններու ատեն Իթքիհատի հետ մեր բանակցություններու արդյունքը շատ գոհացուցիչ չէր: Անոնք ներքնապես հրահանգած էին սահմանափակել քրիստոնյա ընտրելիներու թիվը: Վասպուրականը, հայ ազգաբնակչության թիվի համեմատությամբ, կրնար երեք երեսփոխան տալ, մինչդեռ հազիվ մեկը ունեցավ: Նույնը և Տարոնը: Բաղեշը՝ ոչ մեկ»:¹

Եթե իսկապես, խոսքը գնում էր սահմանադրական Թուրքիայի ստեղծման վերաբերյալ, ապա՝ ծայների թիվը պետք է բաշխվեր հավասարապես: Մինչդեռ խորհրդարանն ուներ հետևյալ պատկերը. ընտրված 266 պատգամավորներից մահմեդական էին 220-ը (125 թուրք, 70 արաբ, 25 ալբանացի), իսկ քրիստոնյա՝ 46 (23 հույն, 10 հայ, 4 բուլղարացի, 4 հրեա, 3 սերբ, 1 ուլախ):²

Հայ պատգամավորները հետևյալներն էին՝ Կ.Պոլսից՝ Գր. Ջոիրապը և Պ. Հալաճյանը, Իզմիրից՝ Սպարտալը, Հակոբ Պապիկյանը, Քոզանից՝ Մուրատը (Համբարձում Պոյաճյան), Երզրումից՝ Արմեն Գարոն (Կարապետ Փաստրմաճյանը) և Վարդգեսը (Հովհաննես Սերենկյուլյան), Մուշից՝ Գեղամ Տեր-Կարապետյանը, Սեբաստիայից՝ դոկտ. Ն. Տաղավարյանը, Վանից՝ Վ. Փափազյանը:³

¹ Վահան Փափազյան, Իմ հուշերը, հ.երկրորդ, Պետլուք, 1952, էջ 90:

² Տե՛ս նույն տեղում, էջ 90:

³ Նույն տեղում, էջ 91-92:

Պետք է շեշտել, որ մահմեդական պատգամավորների մեջ մեծ թիվ էին կազմում հետադիմական կրոնավոր տարրերը (35 տոկոս), որոնց շնորհիվ էր, ինչպես հաստատում է նույն Կոմսը, «մարտի 31 հետաշրջական շարժումը ծայր տվավ: Իթթիհատը իր գլխուն մեծ փորձանք բերավ հետադեմ տարրերը սիրաշահելու հիմար քաղաքականությամբ...»:⁴

Յայ պատգամավորների մեջ դաշնակցականներ էին չորսը՝ Արմեն Գարոն, Վարդգեսը, Գեղամ Տեր-Կարապետյանը և Վ. Փափագյանը: Ինչպես տեսնում ենք, հայ երեսփոխականների մեջ դաշնակցականները մեծամասնություն չէին կազմում և այստեղից էլ՝ սխալ է օսմանյան խորհրդարանում ոչ արդյունավետ գործունեության մեղքը զցել միայն նրանց վրա:

«Միություն ու առաջադիմություն» կուսակցությունը խորհրդարանում ուներ 160 պատգամավոր, Աիրարների կուսակցությունը՝ 20-25, հնչակյանները՝ 1, բուլղար կուլքիստները՝ 2, սոցիալ-դեմոկրատները՝ 1, անկուսակցականները՝ 70:⁵

Սակայն, մարտի 31-ի հեղաշրջման փորձից հետո այս պատկերը փոխվեց: Երիտթուրքերի ձայների թիվը նվազեց և հասավ 125-130-ի, մնացին դաշնակցականների 4 ձայնը, հնչակյանների 1 ձայնը, սոց-դեմոկրատների 1 ձայնը և բուլղար կուլքիստների 2 ձայնը:⁶

«Իսկ մնացյալ ահազին զանգվածը, ինչպես գրում է Կոմսը, - անկուսակցական հայտարարեց ինք զինքը, որոնցմե մեծ մասը «Շեմիյեթը Իլմիյէին» (զիտուններու ընկերություն) կը պատկաներ, այսինքն 80 մոլլաներ, որոնք Շերիաթի օրենքներու վրա կուգեին հիմնել պետությունը»:⁷

Յ.3. Դաշնակցության բարձրագույն մարմինը (ՅՅԴ-ի ներկայացուցիչների խորհուրդ), կուսակցական պատգամավորների մասնակցությամբ, մշակել էր գործունեության ծրագիր (պլատֆորմ), որի իրականացումը պահանջում էր կառավարությունից և որի հիմնական կետերն առնված էին ՅՅԴ ծրագրից: Դրանք էին.

1) «Օսմանյան կայսրությունը, քանի կունենա սահմանադրական ժողովրդավար կարգեր, պիտի ճանչցվի անկախ և ամբողջական:

2) Թուրքաց հայաստանը կը կազմե կայսրության անբաժան մասը և կը վարե իր տեղական գործերը, հիմնված ապակենդրոնացման սիստեմի վրա, ուրմե հավասար կերպով պիտի օգտվին երկրի մեջ ապրող բոլոր ազգերը:

3) Օսմանյան կեդրոնական կառավարությունը, հիմնված ժողովրդական ներկայացուցչության սիստեմի վրա, կը վարե պետության ընդհանուր

⁴ Նույն տեղում, էջ 91:

⁵ Նույն տեղում, էջ 93:

⁶ Նույն տեղում, էջ 94:

⁷ Նույն տեղում:

գործերը.- արտաքին քաղաքականություն, զորք, դրամ, մաքս, երկաթուղի, պոստ-հեռագիր և այլն, տեղական մյուս ֆունկսիոները թողնելով շրջաններում:

4) Պառլամենտական դատաստանական և տեղային վարչական բոլոր մարմինները պիտի ընտրվին ընդհանուր, հավասար, գաղտնի և համեմատական ծայնատվության սկզբունքով: Այս սկզբունքը կը գործադրվի բոլոր ազգերու և կրօններու համար հավասարապես»:⁴ (Ընդգծումը մերն է-Ա.Ն.)

Ընդգծվածից պարզ է, որ Արևմտյան Հայաստանը լինելու էր կայսրության անբաժանելի մասը: Սա նշանակում է, որ կուսակցության խորհրդարանական գործունեությունը պետք է սահմանափակվեր այնպիսի պահանջներով, որոնք վերաբերվում էին կայսրության բոլոր քաղաքացիների իրավահավասարությանը: Հեր դրվում որևէ անջատողական խնդիր, այլ բոլոր ազգերի համերաշխության:

Հայ պատգամավորները մշակում են նաև տուրքերի թեթևացմանը, բանվորական իրավունքների պաշտպանությանը, գյուղերին վարկեր իրականացնելու համար բանկերի ստեղծմանը, երկրագործության զարգացմանը նվիրված օրինագծեր, բայց դրանք մնում են թղթի վրա:

Ապարդյուն են անցնում նաև մասնավորապես դաշնակցական պատգամավորների փորձերը ստեղծել Փոքր Ասիայի (Անատոլիա) պատգամավորների մի միություն՝ ընկերային, տնտեսական և վարչական գործերը կանոնավորելու համար: Սահմեղական պատգամավորները խուսափում էին համագործակցելու հայերի հետ: Քրիստոնյաները նույնպես դրան չէին գնում, գտնելով, թե վտանգավոր հետևանք կարող է ունենալ քրիստոնյաների առանձնացումը:

Այսպիսով, ինչպես համոզվում ենք, ՀՀԴ խորհրդարանական գործունեությունը դատապարտված էր ամլության: Իսկ թե ինչու էր այդպես, ինքնատիպ է բացատրում Ռուբենը: Նա հետևյալն է գրում. «Իրականության մեջ դարձած էինք երիտասարդ թուրքերու քաղաքականության ամենեն հավատարիմ կողմնակիցները: Հակառակ այդ իրողության՝ մենք տեսականորեն ընդդիմադիր դիրքի մեջ կը գտնվեինք թե՛ Սահմանադրության և թե՛ իթթիհատին հանդեպ, քանի որ մեր տեսությամբ «Ատեմի Մերքեզիթը»-վարչական և քաղաքական ապակենտրոնացումը-կը մնար մեր հիմնական պահանջը: Իրական կյանքի մեջ մենք ծուլված էինք իթթիհատի հետ, բայց գաղափարական գետնի վրա կը մնայինք նրա հակառակորդը: Մյուս կողմեն մենք իրական կյանքի մեջ հակառակ էինք «Աիրար» կուսակցության կամ այլազգերու, մակեդոնացի և արաբ ժողովուրդներու ձգտումներուն, երբ անոնք կուգեին ապակենտրոնացում և նույնիսկ անջատում, բայց գաղափարապես նրանց հետ էինք:

⁴ Նյութեր Հ.Հ. Դաշնակցության պատմության համար, Ա հատոր, Պեյրուք, 1984, էջ 178:

Դա հակասություն էր, և բացահայտ հակասություն: Սեր հոգին և մարմինը բաժանված էին: Եվ այդ իրողությունը պատճառ կը դառնար որ թե՛ իթքիհատը և թե՛ Ահրարը մեզ հանդես պերապահ դիրք բռնեն: Ու մենք կը գրկվեինք «թե ժամից և թե ջամիից»:⁹

Այսպիսով, ստացվում է, որ իրոք ԶՅԴ-երիտթուրք դաշինքը կամ համագործակցությունը ի սկզբանե դատապարտված էր խզման:

Ադանայի եղեռնից հետո Դաշնակցության խորհրդարանական խմբավորումը գրեթե ոչնչի չի կարողանում հասնել հանգամանորին գտնելու և պատժելու առումով: Խախտվում է նրա վստահությունը իթքիհատի հանդեպ: Ադանայի եղեռնից հետո Դաշնակցությունը հանդես է գալիս հետևյալ պահանջներով.

1. «- Օրինակելի պատիժ թերացող պաշտոնյաներուն և կոտորածի և թալանողներու ղեկավարներուն, իսկ զանգվածը հավաքական պատասխանատվության ենթարկել:

2. - Հատուցանել կամ վերադարձնել հայերու կրած նյութական վնասները:

3. - Այրիներուն կամ ազգականներուն ապահովել համապատասխան թոշակ:

4. - Քանի մը տարի ազատել ժողովուրդը սովորական տուրքերէ:

5. - Անոնք մնացած հողերը և կալվածները նկատել սեփականությունը եկեղեցիին և դպրոցին:

6. - Վերակազմել ժանտարմին և ստեղծել ապահովության ուժեր՝ մասնակցությամբ բոլոր ազգություններու, հայ գյուղերու մեջ պետական զենքերով զինված հայ պահակախմբերու կազմություն:

Դաշնակցությունը այս հիմքերու վրա չի հրաժարի գործակցիլ իթքիհատի հետ»:¹⁰ (Ընդգծումը մերն է-Ա.Ն.)

Այս պահանջները բխում էին ԶՅԴ Ընդհանուր ժողովի որոշումներից: Եվ ահա, 1909թ. օգոստոսյան մի օր իթքիհատի Կ. Պոլսի կենտրոնից պատվիրակներ են գալիս ԶՅԴ բյուրո և խնդրում ներկայացուցիչներ ուղարկել Սելանիկ (Սալոնիկ)՝ «բարեկամական հանդիպումի մը համար»:

Բյուրոն ընդունում է հրավերը և որպես պատվիրակ ուղարկում է Զ. Շահրիկյանին և Արմեն Գարոյին: Սելանիկ են հասնում նաև Վասպուրականի դաշնակցական ընկերներ Սարգիսը (Էրզրումից) և Ղ. Սելոյանը (Իզմիրից):

ԶՅԴ-իթքիհատ բանակցությունները տևում են շատ կարճ և արդյունք չեն տալիս: ԶՅԴ պահանջների էական մասը չի ընդունվում:

⁹ Ուրեմն, Հայ Յեղափոխականի մը հիշատակները, հ. 2 (6), Լոս-Անճելես, 1951, էջ 42, նաև՝ Աշոտ Ներսիսյան, Ուրեմն, Երևան, 2002, էջ 125:

¹⁰ Կ. Փափազյան, Նշվ. աշխ., էջ 126:

Բանակցությունները շարունակվում են 4. Պոլսի մեջ, որին մասնակցում են՝ ԶՅԴ կողմից Կոմսը և Արմեն Գարոն, իսկ իթթիհատի կողմից՝ Միտհատ Շյուքրին և դոկտ. Նազըմը: Ի վերջո երկու կուսակցությունների միջև կնքվում է հետևյալ համաձայնագիրը.

«1. - Անշեղ գործադրություն ժողովրդավար սահմանադրական օրենքներու:

2. - Միացյալ ուժերով պայքար հակասահմանադրական հետադեմ տարրերու դեմ:

3. - Ապակեդրոնացյալ հիմքերով վերակազմել վարչական հիմնարկությունները:

4. - Հավասարություն և անխտրականություն փոքրամասնություններու իրավանց»:¹¹

Այս համաձայնագիրն ուներ մաև մեկ հավելված, այն է՝ «Վերոհիշյալ որոշումներու իրագործումին հսկելու նպատակով երկու կուսակցություններու կողմէ լիազորված հատուկ մարմնի մը կազմությունը ընդունված է»:¹²

Այս համաձայնագիրը միառժամանակ հարթեցնում է ԶՅԴ և երիտթուրք չարված հարաբերությունները: Դժվար է պնդել, ճիշտ էր արդյոք նորից համագործակցելը իթթիհատի հետ, թե անհրաժեշտ էր կտրուկ կերպով խզել կապերը: Կարծում ենք, որ համագործակցության եզրեր որոնելը տակավին ճիշտ էր, բայց անհրաժեշտ էր գաղտնորեն ամրապնդել միառժամանակ ԶՅԴ մարտական կորիզը, որը և չարվեց:

Դաշնակցությանը մեղադրում են այս համագործակցության համար, բայց, ինչպես վկայում է նույն Կոմսը, այն ժամանակ հետևյալ կարծիքն էր ոչ միայն ԶՅԴ մեջ իշխում. «Անխոհեմություն է թշնամացնել Իթթիհատը, մեր ճակատագիրը անոնց ձեռքն է այսօր Ատանա, վաղը կրնան նույնը կրկնել ուրիշ տեղեր, քանի որ երկրին դեկը և ուժը անոնց ձեռքն է, պետք է շահիլ զիրենք՝ բարեկամ ձևանալով»:¹³

Սա նշանակում է, որ խզումը իթթիհատի հետ դեռևս համարվում էր վտանգավոր: Դաշնակցության դրության բարդությունը կայանում էր նրանում, որ չկար այն անհրաժեշտ կուսակցությունը, որի հետ կարելի էր համագործակցել: Այն ժամանակ, զրեթե բոլորի, մաև ոչ դաշնակցականների մեջ արմատացած էր Զոհրապի հետևյալ համոզմունքը. «Իսլամ տարրը դյուրությամբ չի կրնար հրաժարիլ դարերու ընթացքին կազմված համոզումն մը, որ զինքը բացարձակ տերը կը հռչակե այս երկրին: Աշխատություն և տարիներ պետք են փոխելու անոնց հոգեբանությունը... Անոնք, որ ազատական են, մեզի պես ազատականներ են և այդ կուսակցության-իթթիհատի-կը պատկանին: Մեր համոզմունքը, մեր զգացումները կը պատվիրեն մեզի, որ

¹¹ Նույն տեղում, էջ 128:

¹² Նույն տեղում, էջ 129:

¹³ Նույն տեղում:

աջակցինք անոնց ծեռնարկած դժվարին գործին...: Ոչ որ ինձի չափ խստությամբ ու երբեմն անգթորեն մատնանիշ ըրած է այդ կուսակցության թերությունները, բայց այդ պատճառ մը չէ, որ չճանչնանք անոր ազատական հիմները...: Եվ ու՞ր է ավելի ազատական կուսակցություն մը, որուն աջակցիլ նախանձօր պիտի ըլլար: Զափավոր ազատական «Աիրար» և ժողովրդական ըսված «Իթիլաֆ» կուսակցությունները իրենց կազմությամբ հետադիմական և կրոնամոլական մարմիններ են...: Սակե զատ՝ մի մոռնաք, որ այս իթիհատ և Թերազզը կուսակցությունը կառավարական կուսակցություն է, եթե մեր զգացումները և համոզումները նույնիսկ այն կողմ չեն մղեր մեզ, մեր ազգին մասնավոր շահերը անոնց հետ համերաշխ գտնվելու պիտի պարտավորեն զմեզ: Քաղաքականության մեջ միմիայն զգացումով չի քայլվիր...»: ¹⁴

Զոհրապի խոսքերից այս մեջբերումը հետևյալ եզրակացությունների տեղիք է տալիս.

Առաջին. Թուրքը իրեն համարում էր երկրի բացարձակ տերը, ինչը նշանակում էր, որ նա չէր հանդուրժելու այլազգիների ոչ թե անջատողական, այլ թեկուզ և մշակութային ինքնավարության ձգտումները:

Երկրորդ. Իթիհատը համարվում էր ամենաազատական կուսակցությունը, բայց եթե իսկապես նրանից ավելի ազատականը չկար, ապա՝ դա նշանակում էր անպայմանորեն անհրաժեշտ էր դաշինքը նրա հետ:

Երրորդ. Եթե իթիհատի կառավարող կուսակցություն լինելու հանգամանքը պետք է ստիպեր համերաշխ լինելու նրա հետ, ապա՝ այդ համերաշխությունը պետք է լիներ փոխադարձ: Բայց, դրա փոխադարձությունը կասկածելի էր:

Խորհրդարանի հայ պատգամավորների համար ցավալի էր նաև Օսմանյան պետության ոչ իսլամ տարրերի այդ թվում՝ հայերի զինվորագրության հարցը: Հայերը չէին կարող հաշտվել այն մտքի հետ, «որ իրենց զավակները թյուրք բանակին մեջ մտնեին, ապրեին աղտոտ և քրիստոնաւայաց Անատոլուի թյուրքերուն հետ կողք կողքի, ուտեին միննույն ամանեն և պառելին անոնց հետ: Եվ ատոր համար, չարունակում է Կոստը, կը նախընտրեին ծախծխել իրենց ոչխար տավարը, արմտիքը, նույնիսկ իրենց հողերը՝ վճարելու համար «պետելը» (50 ոսկի) և փրկվելու այդ անհանդուրժելի ծառայութենն: Ունկոր թե չքավոր դասը, ազգի դավաճան կը համարեին հայ երեսփոխանները, մանավանդ Զոհրապը և Վարդգեսը, որոնք բեմեն հայերու զինվորագրության ի նպաստ խոսեցան, իսկ մեր կուսակցական հակառակորդները լուտանք չմնաց, որ չքափեին «ազգադավ» մեր կուսակցության գլխուն»:¹⁵

¹⁴ Նույն տեղում, էջ 129-130:

¹⁵ Նույն տեղում, էջ 130:

Այդ մեջքերումը կարևոր հետևությունների տեղիք է տալիս: Դրանք են 1) Եթե իսկապես Յ.Յ. Դաշնակցությունը ուզում էր լծվել Օսմանյան հայրենիքի վերաշինության գործին, ապա՝ անպայմանորեն պետք է կողմ լիներ, որ զինվորագրվեին բոլոր օսմանյան քաղաքացիները, այդ թվում և հայերը և այս առումով ճիշտ էին Ձոհրապը և Վարդգեսը և սխալ՝ ՅՅԴ գլխին լուտանք քափողները, 2) Արևմտահայ ժողովուրդը, որը Սահմանադրությունից հետո գրեթե չէր զինվում, քանզի փոխվել էր ՅՅԴ մարտավարությունը, սրանով զենք կրելու հնարավորություն էր ստանում: Իսկ Թուրքիայի այդ օրերի հակասական ներքաղաքական իրավիճակը անպայմանորեն թելադրում էր զենք ունենալու անհրաժեշտությունը: Իսկ հայ ժողովուրդը, դժբախտաբար, դա չէր գիտակցում: Թուրքական բանակի հայ զինվորները միջազգային պատեհ առիթի դեպքում կարող էին ապստամբել:

Ելնելով այս ամենից՝ մասնավորապես Վարդգեսը, Ձոհրապը և Կոմսը պնդում էին, որ հայ զինվորներն իրենց ծառայությունն անցկացնեն իրենց երկրում, կամ դրան մոտիկ վայրերում: Կառավարության ղեկավար Շեվքեթ փաշան սկզբունքով ընդունում է այս առաջարկը, բայց պայմանով, որ օրենքը տարածվի օսմանյան բոլոր ժողովուրդների վրա:

Այնուամենայնիվ, օրենքն առաջին նստաշրջանի վերջին օրերին անցնում է: Սակայն, հայերը հետագայում էլ խուսափում էին զինվորական ծառայությունից:

Եթե ընդհանրացնենք, ՅՅԴ խորհրդարանական գործունեությանը պետք է տանք հետևյալ գնահատականը: Այն արդյունավետ չէր և չէր կարող լինել հետևյալ պատճառներով.

Առաջին. խորհրդարանում չկար գործողությունների միասնություն, իրար չէին վստահում քրիստոնյա և իսլամ տարրերը:

Երկրորդ. ՅՅԴ կուսակցությունը թեև իրեն դրսևորում էր անկեղծորեն և հավատարիմ Սահմանադրության կարգախոսներին, բայց երիտթուրքերը երկդիմի էին և դեմ էին հայության առաջընթացին:

Երրորդ. Թուրքիան դեռևս պատրաստ չէր ժողովրդացման համար և խորհրդարանում իշխող կուսակցության կողմից անընդունելի էր ոչ միայն անջատողական (որը չկար), այլ նույնիսկ մշակութային ինքնավարության որևէ ձգտում, որն, ի վերջո, կարող էր հանգեցնել անջատողականության:

Հայությունը Սահմանադրությունից հետո ապրում էր մշակութային զարթոնք, որն անհանդուրժելի համարեցին երիտթուրքերը, որոնք որդեգրելով հակահայ քաղաքականություն՝ ստիպեցին Դաշնակցությանը՝ խզել հարաբերությունը նրա հետ: Բայց ՅՅԴ արդեն բավական ժամանակ էր կորցրել և նորից պետք է սկսեր այն, ինչն ավարտել էր Սահմանադրությամբ, այն է՝ արևմտահայության զինումը և նախապատրաստումը: